

第二本

卷三

封域上
42

形勝
山川

道里

卷四

封域下
47

鄉都
風俗

水利

古蹟(亭閣附)

嚴州府志

笑廬署

嚴州府志卷之三

封域

形勝 水利

道里

山川

鄉都 風俗

禹貢爲風土志所自始至職方而加詳封域之有書
由來尙矣睦州介萬山中四達險巇夙稱巖郡舉凡
疆理之阻深山川之經緯都鄙之沃瘠陂澤之源流
上下千百年幾經沿革畱心掌故之士皆可按籍而
稽焉若乃太史觀風名流覽古羅舊聞以供覩記亦
載筆者所有事也志封域

形勝

嚴州府

據浙江之上游當甌歙之達道

宋錢勰浮橋記

錦峯繡嶺

圖經

山水之鄉

郡舊志

古詩云江闊桐廬岸山深建德城蔡

天啟云山城閨寂一葉動而亦聞溪壑滌迴二江合而成字杜牧之詩云溪山侵越角風壤盡吳根朱子云山川之勝宏偉非常觀此則一郡之形勝可概見矣

建德縣

境析富春區分越嶂建蒼環翠丁水迴瀾城池開畿甸之先地理附嚴陵之勝舟航輻輳一郡之都會也

淳安縣

東連建德西接新安青溪環其前蛟峯鎮其後不郭
而山呈雉堞不鑿而水捍池隍吳越封疆從茲交會
遂安縣

娑峯翠嶺當牛女之墟義山嵯峨據武強之勝南呈
織宿西拱石英介萬山以析封爲一郡之良邑

壽昌縣

巖岡後鎮艾水前臨湖光上徹城頭松翠近連屋角
羣峯迴合永奠花封

桐廬縣

桐君拱左斗山居右襟大江而趨吳會帶兩浙而赴

錢塘瀨水清深帆檣上下東南之要津也

分水縣

紫邏東連玉華北拱萃慶雲之五色應列宿之雙峯
分桐水而環天目之溪鎮肴山而據地形之險

道里

府治 舊志東西三百九十里南北三百三十里東至杭

州府三百一十里西至徽州府三百七十里南至金

華府一百五十里北至杭州府二百七十里東南至

金華府一百八十里西南至衢州府二百一十里東

北至杭州府三百一十里西北至徽州府三百一十

里

一統志東至杭州府富陽縣界二百里西至徽州府
歙縣界二百三十里南至金華府蘭谿縣界六十里
北至杭州府於潛縣界一百二十里自府治至浙江
布政使司陸路二百七十里水路三百一十里至
京都陸路三千四百二十八里水路四千五百一十八里
按圖經水路東沿浙江至東梓浦入杭州界一百三
十三里南泝東陽江至三河入金華界五十里西北
泝新安江至深渡入徽州界二百五十里

建德縣 東西一百三十里南北一百三十里東至桐

廬縣界六十五里以安仁牌爲界自界至桐廬三十
五里西至壽昌縣界六十里以菱塘爲界自界至壽
昌二十五里南至金華府蘭谿縣六十里以三河爲
界自界至蘭谿三十里北至分水縣界六十里以胥
嶺爲界自界至分水六十三里東南至金華府浦江
縣界七十五里以并礪爲界自界至浦江一十五里
西南至金華府蘭谿縣界四十里以檀嶺爲界自界
至蘭谿四十五里東北至桐廬縣界六十五里以楊
闡橋爲界自界至桐廬三十五里西北至分水縣界
四十五里以峽嶺爲界自界至分水五十三里水路

有歙發二港可以達淳安蘭谿陸路則自桐廬縣西入縣界繞烏龍山背出白沙渡入壽昌縣界是爲大驛宋南渡都臨安凡江西閩廣荆湖雲貴八番海外諸國來者皆取道於此今則自城南過渡而出蘭谿縣界矣

按圖經歙港水路在縣南西泝入淳安縣一百八十里東沿入桐廬縣九十里婺港水路在縣東南與歙港合泝入金華界一百四十五里

淳安縣 東西一百七十里南北一百五十里東至建德縣界八十里以銅官嶺爲界自界至建德八十六

里西至歙縣界七十三里以楊嶺爲界自界至歙四
十五里南至遂安縣界四十三里以安礪嶺爲界自
界至遂安四十里北至杭州府昌化縣界一百六十
里以桐坑庵獨石爲界自界至昌化七十五里東南
至壽昌縣界七十五里以遼嶺爲界自界至壽昌五
十里西南至遂安縣界二十里以桐橋爲界自界至
遂安四十三里東北至分水縣界八十六里以塔嶺
爲界自界至分水六十里西北至徽州府歙縣界九
十七里以深渡爲界自界至歙縣一百一十里自縣
治至嚴州府陸路一百四十里水路一百八十里

按圖經歙港水路在縣南西沂入徽州府一百六十里東沿至建德縣一百六十里勝四百斛舟

遂安縣 東西一百二十三里南北一百二十四里東

至淳安縣界四十三里以桐橋爲界自界至淳安二十里西至徽州府休甯縣界八十里以積雪嶺爲界自界至休甯一百四十三里南至衢州府西安縣界七十九里以黃連嶺爲界自界至西安九十八里北至淳安縣界四十五里以楊嶺爲界自界至淳安七十三里東南至淳安縣界三十七里以滄父灘爲界自界至淳安四十里西南至衢州府開化縣界八十

里以馬金嶺爲界自界至開化五十里東北至淳安縣界四十里以安礪嶺爲界自界至淳安四十三里西北至淳安縣界四十二里以佛子嶺爲界自界至淳安六十五里自縣治至本府陸路一百八十里水路一百二十里

按圖經水路曰武強溪在縣東南流至淳安縣港口合於新安江

壽昌縣 東西一百一十里南北九十里東至建德縣界二十五里以菱塘爲界自界至建德六十里西至遂安縣七十五里以黃連嶺爲界自界至遂安七十

里南至衢州府龍游縣界四十里以梅嶺爲界自界
至龍游縣七十五里北至淳安縣界五十里以杜瀆
爲界自界至淳安七十五里東南至金華府蘭谿縣
界二十五里以暗山爲界自界至蘭谿縣三十五里
西南至衢州府西安縣界六十里以鵝籠山爲界自
界至西安五十里東北至建德縣界三十五里以新
安江爲界自界至建德五十里西北至淳安縣界五
十里以遼嶺爲界自界至淳安七十五里自縣治至
本府陸路九十里水路九十里

按圖經水路不通大舟僅有艾溪自縣西來東流至

菱塘入建德縣界新安江

桐廬縣 東西九十七里南北一百三十二里東至杭

州府富陽縣界三十里以東梓口爲界自界至富陽
五十里西至建德縣界三十五里以安仁牌爲界自
界至建德六十五里南至金華府浦江縣界七十里
以蕩父爲界自界至浦江二十里北至分水縣界六
十里以畢嶺爲界自界至分水二十里東南至浦江
縣界九十里以狐嶺爲界自界至浦江九十里西南
至建德縣二十五里以冷水舖爲界自界至建德六
十五里東北至杭州府新城縣界四十里以白峯嶺

爲界自界至新城三十里西北至分水縣七十里以
何村爲界自界至分水一十八里自縣沿至本府陸
路一百里水路九十里

按圖經桐江水路在縣南東沿至富陽九十里西泝
至建德縣九十里東溪水路在縣東西北泝至分水
縣九十里

分水縣 東西一百四十里南北一百七十一里東至
杭州府新城縣界八十里以廣陵爲界自界至新城
二十五里西至淳安縣界六十里以塔嶺爲界自界
至淳安八十里南至建德縣界六十三里以胥嶺爲

界自界至建德六十里北至杭州府於潛縣界一十二里以印潛溪爲界自界至於潛五十里東南至桐廬縣界二十里以畢嶺爲界自界至桐廬六十里西南至建德縣界五十里以峽嶺爲界自界至建德五十里東北至杭州府臨安縣界六十里以栗硎口爲界自界至臨安四十里西北至淳安縣界七十八里以碑礪嶺爲界自界至淳安縣一百三十里自縣治至本府陸路一百五十五里水路一百五十五里

按圖經水路曰天目溪自於潛流入縣東南出桐廬縣達於桐江

山川

嚴州府

建德縣 附郭

烏龍山

在縣北三里高六百丈周回一百六十里一郡之鎮山也宋宣和間臣僚建言龍為君象

凡山水地名有龍字當避乃改為仁安山明洪武初號廣濟神為烏龍山神仍復今名山上有二池俗名聖水池歲旱則守令率士民禱雨於此取水迎歸屢著靈應山麓有烏龍王廟趙忤烏龍山詩泉石淙淙響百尋羣峯環翠起春林危巔召雨雲先作不失蒼生望歲心

東山

在城內烏龍山支脈下走平陸繚入郡城各有其名此其一也

秀山

西連東山頂有秀亭下有秀泉泉下鑿池二昔為仇園今名仇池塢

建安山

在城內秀山之東城隍廟在焉又名城隍山

鳳凰山

在城外與秀山斷續相連烏龍山正脈下走平陸一起一伏形如飛鳳故名山下有泉名

碧波井

樊家山

在城北一里山下有蟹黃泉

建昌山

在城西三里又名建蒼山有順濟龍王廟下瞰江水左有西湖諸水皆出橋下

錦沙山

在城北一里原名錦沙岡

高峯山

在城東五里即北高峯烏龍山之支也雙峯聳秀有浮圖七級與南天甯寺塔相對趙忞

詩上石披松十步勞下窺人物見秋毫

南山

在城南五里即南高峯與城對峙馬目山之支也上有天甯寺明嘉靖間都御史胡宗憲有記

九峯山

在城西五里有九峯寺趙抃九峯山詩龍耶石室人難繼安定書堂世莫登但見烟蘿最

高處九峯排列一層層